

۱ کانون ثانی
۱۹۲۶

تورک تاریخ انجمنی

اون آلتیجی سنه
نومرو ۱۳ (۹۰)

مجموعه سی



تكملة الشقایق فی حق اهل الحقایق

[کچن نسخه دن مابعد]

محمد اسعد افندی

فاضل شهر یانیهوی اسعد افندی

اسعد بن علی بن عثمان در. (یانیه) ده دوغمشدر. عصرینک اساتذه سی لسانده
اسعد خواجه افندی دیو سویلنیر ایدی .
یانیه مفتیسی فضلائی محققیندن محمد افندیدن و فاضل مشهور ابراهیم افندیدن
و مشارالیهام امثالی ذوات عالیه دن نسخ علوم مرتبه یی اوقودقدن صکره ۱۰۹۸
تاریخنده دار سلطنت سنییه مواصلت و تاتار عبدالحلیم افندی و آق شهرلی زاده
ابراهیم فضلاء افندی و داماد زاده ابوالخیر احمد افندی خواجه سی مصطفی افندی
کبی فضائلرور ذواتک مجالس پر نفایس محققانه لرندن علوم عالیه و آلیه یی مجدانه
و خواهشکرانه برصورتده تحصیله غیرت ایدوب نسخ مرتبه یی مشارالیه آق شهرلی
زاده ابراهیم افندیدن تکمیل ایتدی . اصول ارتقاعی و بعض حساباتی رئیس المنجمین
محمد افندیدن و حساب و هیئت فلرینی تکفورطاعی مفتیسی فضلائی دهردن و علوم
فارسیه یی ملا منجل دیه بیلنمش اولان فارسی خواندن اخذ و تلقی و اقرانی آراسنده
ترقی ایلدی .

۱۱۱۱ جمادی الآخره سنده ابتداء خارج راده سندن مدرس، ۱۱۳۸ ده غلطه
ملاسی اولوب مولویتده مدت عرفیه سی اولان بر سنه یی اکمال ایتدکن صکره یته
تدریس و تألیف ایله اشتغال ایدر ایدی .

۱۱۴۳ تاریخنده دارالافتاء بقایه انتقال ایتدی . طریق نقشبندی افانندن
امیر بخاری حضرتلرینک ادرنه قوسی خارجنده واقع درگاه شریفلری قربنده کی
مقابرده دفیندر .

فضلا دن طريق نقشبندي منتسبانندن قالى حاله مطابق، اقرانه فائق برزاتدر .
بر چوق كتابلرينك كنارنده تعليقاتي، فنون مختلفه دن متعدد رسائل، اسعد مخلصيله
السنه ثلثه ده كفتاري واردر .

حكماي متقدمينك مشهورلرندن ارسطونك يديوز قرق يدي تاليفاتندن بريي
علم حكمت طبعيه و رياضيه دن اولان كتب ثمانيه دركه عربي، فارسي، لاتين، روم
لسانلرينه نقل اولمشدر .

سلطان احمد خان اولك زمان سلطنتنده سنانيك روم يطريقي نصب بيوريلوب
۱۰۲۰ سال هجريسنده وفات ايدن قره فريه لي (يوانس قونيتوس) فنون حكميه ده
روموجهده اولان اقتداري اوزرينه اشبو كتب ثمانيه يي ينه سكرز جلدده رومجه يه
نقل ايتشيدى .

اسعد خواجه افندي لاتين وروم لسانلرينك خرده سنه واقف برزات اولمله
صدراعظم داماد ابراهيم پاشا ايله شيخ الاسلام يکشهرلي عبده افنديك اخطار
و تسيلري ايله ينه سكرز جلد تشكيل ايتك اوزره لسان لطافت رسان عربي يه
نقل و ترجمه ايتشيدى . بهر جلد يي يكرميشر جزؤدن زياده بر اثر معتبر اولوب
خواجه افنديك علوم حكميه و رياضيه ده كاله دالر .

شيخ صادق

شام مشاهير علماسندن شيخ صادق .

صادق بن محمد حسين بن محمد . كبراي طالبين و عارفيندن شيخ عبدالغني
نابلسي نك اقرباسندن اولمله حضرتك درس دقايق پناهيلرندن فنون كثيره يي اخذ
و تلقى ايتدى .

علم فقهده و متفرعاتنده لياقت فوق العاده يه مالك اولمسيه برمدت شام باب نيابتي
مأموريت شرعيه سيله بكام اولدى .

۱۱۴۳ شعبانك يكرمي دردنجي بازار ايرتسي كوني وفات ايدوب شامده
(باب الصغير) قبرستانه دفن اولدى .

فقه، صك، منطق، نحو، صرف فنلرنده، ادبياتده لياقت مسلميه يي حائز ايدى .

شيخ على

شام متحيزان علماسندن شيخ على منينى .
 على بن احمد بن على . شام فضلاى ذى الاحترامندن شيخ احمد منينى نك مخدوم
 مكرم ملردير . شامده ۱۱۱۷ سالنده تولد ايتمشدر . قرآن عظيم الشانى استاد شهر
 شيخ على مصریدن دقایقه برابر تلقی ایتدکدن صکره پدری مشارالیه دن استحصال
 علوم ایتمشدر . پدری برآراق دارالخلافه ده برمدت او طور مقله او مدته جامع
 بنی امیه ده یرنده تدریس علوم ایدردی .
 اذکیای درسامدن اولوب طاعوندن ۱۱۴۳ ده وفات ایتدی . (مرج دحداح)
 قبرستانده دفیندر .

شيخ عبداللطيف

طرابلس غرب علماسندن شيخ عبداللطيف مغربى .
 طرابلس غرب علماسندن شيخ عبدالحق اوغلدير . بيوك برادري طرابلس
 غرب فقهاسندن شيخ محمد دركه فقهدن درر نام اثر معتبرى دايمًا تدریس ايتمسيه
 درر قارئي ديو معروفدر . ۱۱۴۰ ده وفات ايتمشدر . جمله سى طرابلسده تولد
 ايتمشلزددر . شيخ عبداللطيف پدرندن و برادرندن او قومشدر . بلده سنك فقهاسندن
 اولدينى حالده ۱۱۴۳ تاريخندن صکره اتمام درس حيات ايتمشدر .
 بلده سنده تدریس علوم ایده رك خيلى ارباب فهمو يتشديرمشدر .

السيد اسماعيل بليغ افندی

روسه ده شاهين اميرزاد مشهور بليغ افندی .
 روسه ده (ماتيجي) محله سنك امامى سيد ابراهيم افدينك صلبندن او محله ده
 تولد و علمای بنامدن استحصال علومه سى بليغ ایتدی . پدري نك وفاتنده
 محله مذکور مسجدنده امام و امير سلطانك عمارتى مشيخته بكام اولدى .

بر مدت صكره بروسه ده موجود اولان حرمين محترمين اوقاف جليله سي محكمه سنك عهده سنه علاوه و يرلدی . ۱۱۴۳ ده رحلت ایلدی . بروسه ده (يكي مزارستان) ده دفین ترابدیر . رند ظریف، مرد عریف، نژده، شعرده، کوزل سوز بولقده، نظماً تاریخ سويلمکده لیاقتلی بر ذاتدر .

بروسه يه متعلق (وفیات) نام اثر بلیغانه سي اولوب بوکتابه، کلدسه رياض عرفان، نامنی ویرمش، قال و حال اصحابندن نيجه ذوات معالیماتی ذکر ایلشدر.

شیخ مصطفی

شام فضلاي بنامندن شیخ مصطفی العمری .

مصطفی بن عبدالقادر بن بهاء الدین المعروف باین الهادی .

شامده ۱۰۹۷ سنه لرنده تولد ایلدی . ۱۱۰۰ ده پدر فضائل اثری شیخ عبدالقادر ارتحال ایتملریله اقرباسندن بعضیلرینک تربیه سیله تحصیل علومه تشویق ایدیلهرک علامه زمان، فرید ازمان شیخ عبدالغنی نابلسی دن علوم عالیه و آلیه یی مجدانه تحصیل ایدوب خیلی سنه لر او نحریر کالات سمیرک توجهات عالیه لرینی اکتساب ایتمش، سائر ذواتدن دخی استحصال فنون ایلمش ایلدی . فضلادن ، فنون متداوله نك اکثرینسنده کالاتی ظاهر اولان مشاهیردندر . استاد و مرشدی مشارالیه دن برآز صکره ۱۱۴۳ سنه سی او اخرنده ارتحال ایلدی . (باب الصغیر) قبرستانده دفیندر .

محمد رمزی افندی

بروسه فضلاي درسعامنندن رمزی افندی .

(قونیه) مضافاتندن (قره مان) دینیلان مملکتده دوعدی . برادری عبدالباقي و عبدالوهاب افندیلر ایله بروسه يه بالوصول علمای کرامک خلقه تدریسنه مداومت ایلمش و علوم عالیه و آلیه یی لایقيله تحصیل ایتمش ایلدی .
(حرکت التمثلی) راده سی مدرسلرندن، قدمای اساتذه بنامندن، صاحب مقال،

اہل حال بر ذات اولوب ۱۱۴۳ تاریخندہ ارتحال ایلدی . بروسہدہ (ولدوباب) محلہ سندہ اولان مسجد شریفک خطیرہ سندہ مدفوندر . رمزی مخلصیلہدہ رنکین اشعاری واردر . طریق جلوئی عارفانندن شیخ اسماعیل حق بروسہنک طوز پازاری دیو شہرت بولان موقعندہ ۱۱۳۳ دە بر درکاه لطیف یابدیرمشر ایدی . او درکاهہ سویلدیکی تاریخندہ : (بارک الله جلوه کاه اتقیا)

سید مصطفی افندی

پشمقچی زاده موالدین مصطفی افندی .

۱۰۰۰ تاریخندن برو طریق علمی دہ بولنان کیرادن و پشمقچی زاده لردن شیخ الاسلام علی افندی حضر تلرینک اوغلی شیخ الاسلام مصطفی (۱) افندی حضر تلرینک کوچک برادریدر . پدر وجدی کچی فضائل علمیہ و اخلاق جمیلہ ایلہ ترین ذات ایدن مخادیمدندر . مسلك مدرسیندہ مراتب معتادہ یی احراز ایدہ رک یکیشہر ملاسی اولمش و اورادہ وظائف مولویتلہ مشغول ایکن وفات ایتشددر .

محمد افندی

(قرہ خرملی) دە دوغدی . ارباب علم و عملدن بر ذات اولوب قاسم پاشادہ یکی چشمہ مسجدندہ عالمانہ امامت ایدردی . وفاتی ۱۱۴۳ دە، مدفن اوق میدانندہ طریق پیرای رجالتدن ادریس محنفی حضر تلرینک جوارندہ در .

مصطفی افندی

مصر قضاتی سلکندہ خلی مملکتلرک امور شرعیہ سندہ اثبات اقتدار ایتدکن صکرہ دار السلطنہدہ ۱۱۴۳ شوالنک دردندہ وفات ایتدی . سلطان سلیم قدیم

جامعی ایله چهارشنبه بازاری جاده سی آراسنده (ساقز آغاجی) نام موقعه شیخ
یاوصی درگاهی ساحه سنده کوچک بر مقبره دفیندر .

محمد افندی

(بوسنه) داخلنده (ویزه) ده طوغدی . زمانك فضا لاسندن تدرس و تلمذ
ایتدکن صکره استاد مشهور یکچشم سلیمان افندی نام فاضلدن خط تعلیق لایق
وجهله کورمش ، خطاطین آراسنده اهلیتی کورلش ایدی . مدرسیندن ایکن
۱۱۴۳ ربیع الاولنده وفات ایدی . ادرنه قیوسی خارجنده مرقد علما آراسنده دفیندر .

عبدالحلیم افندی

حضرت خاله جوارنده دفتردار اسکله سی سترلنده واقع جزیری قاسم پاشا
جامعك امامی اولان عبدالله افندینك اوغلیدر .
ارباب اقداردن حسن حال صاحی ایدی . وفاتی ۱۱۴۳ سنه سی ربیع الاولنده در .
اسکدارده (ددهلر مسجدی) دائره سنك اوست طرفنده کی مقبره نك سراجنر
چشمه سنه یقین اولان محلنده متواریدر .

ابوبکر بك

نوح افندی زاده استانبول قاضی ابوبکر بك افندی .
صدور علمادن اولدینی حالده ۱۱۱۹ تاریخنده وفات ایدن حکیم باشی نوح افندینك
نجل اکبری ومکرراً صدراعظم اولان حکیم زاده علی پاشانك برادریدر . دارالسلطنه ده
متولد وکنج لکنده مدرس اولمشدر . پدرینك یازی خواجه سی تعیین ایتدیکی
مدرسین و خطاطیندن حکیم سلیمان افندین خط تعلیق اصول ورسومی وسائر
علمای کرامدن علوم متداوله یی اوکرندی . ۱۱۲۳ شوالنده (ادرنه پایه سی)
ضمیمه سیله سلانیک ، ۱۱۳۱ ربیع الاولنده ادرنه ، ۱۱۳۸ محرمنده مدینه منوره ،
۱۱۴۳ جمادی الاولنده استانبول قاضیلنی توجیه اولدی . ارتحال لریده ۱۱۴۳
رجبده در .

قوجه مصطفى پاشا سمتده پيرسنبلسان آستان پيرانه‌لى اتسالنده پدرى نوح افندى مرحومك حياتنده قوناغندن افرازو كندينه ومتعلقاته مفيره تخصيص ايلديكى سذك اوزرنده مرحومك ياتنه دفن اولندى.

مشاهير شاعراندى امرالله روحى افدينك سويلديكى تاريخ بليغانه در :

دعا ايدوب ديدى تاريخ سال رحلتى روحى

اولا ابوبكر افندى هميشه صديقه مأواده

۱۱۴۳

محمد صالح افندى

امام اول سلطانى طوب قپولى صالح افندى .

باباسى سيواسلى محرم آغا اسكدارده چوقسنه متوطن ومعمار اوله رق ۱۱۰۶ ده وفات ايتدى .

قرمجه احمد جامى ايله تونس باغى آراسنده كى قبرستانك بو جامعه بك يقين بر محلنده دفيندر .

اوغلى صالح افندى شباتى زماننده قرآن كريمى بالاتمام اوزمانك اساتذه بنامندن علوم وجوهان قرآنيه و فنون سائره يى وجه مطلوب اوزره تحصيل ايتمش و فن ادوار موسيقى يى ارباب طبيعتدن اوكرنه رك بو فنده حسن طبيعته مالك اولمشيدى . محمد رابعك زمان سلطنتلرنده اسكدارده واقع عتيق والده جامعنده خطيب خوشنوا اوله رق نيجه سنه لر سامعه عاشقانى تشييط ايلمشيدى .

آرادن برچوق زمان كچدكدن صوكره حسن ادا و لطافت صداسى مصطفى ثانيك مسموعى اولغله ادرنه لى على افندى يرينه امام ثانى و نائل رؤس ايتمش و ۱۱۰۹ ده امام اول تعيين ايتمش ايدى . ۱۱۱۴ ده امامتدن عفو ايله برخيل معاش احسان بيورلدى . آنحق مقتضاي خلقت و ابتلاى سخاى طبيعت ايله ديونه مبتلا اولمسيه دايلى كنديسى ازعاج و ضرورى مناصب علميه محتاج ايتديلر . بونك اوزرينه ۱۱۱۷ ربيع الاخرنده قله صكره حلب، ۱۱۲۶

رجبندہ مکہ معظمہ مولویتلری ، ۱۱۳۱ ربيع الاولندہ استانبول قاضیلئی ، ۱۱۴۲ رجبندہ آناطولی قاضیسکرلکہ توجیه واحسان بیوریلہرق بمنون ایدلشیدی .
طوب قپوسندہ کائن قوناغندہ اوطور مقده اولدقلری حالده ۱۱۴۳ رجبندہ روم ایلی پایهسی توجیهیلہ تلطیف اولندی .

بر بچق آی صکرہ سنہ مزبور شعبانندہ مفلوجاً ارتحال ایلدی .
طوب قپوسی داخلندہ احمد پاشا جامعک محراب طرفندہ کی مقبرہ نک وسطہ دفن قلندی . ارتحالہ انشاد ولوح قبرینہ تحریر اولنان تاریخدر :

ایلیوب قبرین زیارت دیدیلر تاریخنی
صدر فردوسی قبلہ صالح افندی جلوه کاه

۱۱۴۳

مشاہیر مؤلفیندن مستقیم زاده افندی ده : (حضور صالح ۱۱۴۳) ترکیبی تاریخ بولشدر . مشارالیه اکثر فونندن وایه دار اولملریلہ برابر حسن صدا واداده وسخاوت ومکرم و حقوق سابقہ رعایتدہ فائق الاقران ونجہ اصحاب فضل واستعدادہ مربی ومعین اوئش خندہ رو خوشخو بر ذات ایدیلر .
مدت مدیدہ طوب قپوسی سمتندہ تمکن ایتلری طوب قپولی صالح افندی دیو تشر ایتلرینہ بادی اولدی .
مخدوملری محمد امین افندی مسند نشین شیخ الاسلامی اولمشیدی . ۱۱۹۱ ده وفات ایتشدر . آتیدہ احوالی بیان ایدیلر .

شیخ ابوبکر

قدس مشاہیر فضالاندن شیخ ابوبکر علی .

والد کالات مواردی شیخ احمد علی ابن صلاح الدین قدسده ۱۰۵۵ شوالنک آلتنجی جمعه ایرتسی کونی تولد واعالی افاضلن قدسی شیخ عبدالرحمن علی دن تحصیل علوم ایدوب طریق شاذلی اکابر مرشدین کالاتقرینندن

شيخ مزطاريء مغرودن اخذ نسبت و اكمل طريقت ايندكدن صكره مرشدى
مشار اليه طرفدن قدسه موجود سالكين شاذليه يي يتشديرمكه مأمور بيورلدى .
كامل فضل و كمال و حسن قال و حال اصحابنده اولملى ايله (مسجد اقصى)
خطابى و تدريس و تسليك ايله اشتغال بيورردى . ذات عارفانه لرندن پك چوق
طالبين و سالكين اخذ فيوضات ايدرلردى .

ارتحاللى ۱۱۱۰ شعبانك اوتتجي بازار كيجه سيدر . مدفن شريفلىرى قدس
شريفده زيارت اولنان مراقده مبروكه دندر .

تجلى ميجلى شيخ ابو بكر على قدسه تولد ايتمشلردر .

پدر و اجداد كالات اثرلى على شهرتى حائز اولان ذواتنددر .

پدرى مشار البهدين اخذ علوم ايندكدن صكره طريقت عليه شاذليه اركانى
اوزره حضرتدن منتسب و مستخلف اولمشلر و سائر علمائى اعلامدن دقايق علومى
تلقي ايتمشلردر . قدسه برمدت حنفى مقتيلكنده بولنديلر . فقيه محدث عابد و زاهد
افعال خيريه ساعى برذات باهرالمعالى ايديلر . استانبولده ارتحاللى ۱۱۴۴ تاريخنده در .

شيخ جاراالله

قدس فقهاى بنامندن شيخ جاراالله .

جاراالله بن ابى اللطف كنيه سيله معروف و موصوفدر . قدسلى در . علمائى اعلامك
درس تحريرانه لرندن تحصيل علوم ايدهرك تميز ايدن فقها و فضلا دندر . عمى زاده مى
شيخ محمد ابن عبدالرحيمك و فائنده قدس حنفى مقتيلكنه بالتعيين ۱۱۴۴ ده ارتحال
ايتمشدر . مدفى قدسه در . فاضل و فقيه اديب و نبيه بر ذاتدر .

شيخ مصطفى

شام علمائى بنامندن شيخ مصطفى ابن سوار .

شيخ مصطفى نام ذاتك صلبندن شامده ۱۰۷۳ تاريخنده طوغدى .

اكابر افاضلدين شيخ حسن منبر، شيخ ابى المواهب، شيخ نجم الدين فرائضى، شيخ ابراهيم قتال، شيخ عبدالكريم غزى نك مجالس درس محققانه لرندن استحصال واستكمال علوم ايتدى. شامده عظم اسماعيل پاشا مدرسه سنده جامع امويده تدريس ايدرايدى . فاضل وعافل كامل وصالح زاهدو عابد بر ذات ايدى .
 ۱۱۴۴ شوالنده انتقاللى وقوعبولدى .
 حضرت عاتكه مرقدرلى دائره سنده پدرى اسلافى آراسنده دفيندر .

محمد صالح افندى

بروسه قديمى علماسندن قاضى زاده صالح افندى .
 قسطنطينى قضاندن اوزون قاضى ديرر بر آدامك اوغلير .
 اوائل حالنده بروسه يه بالوصول فضلاسك درس مدققانه لرندن تحصيل علوم ايدهر ك اجازت آلتش، ۱۱۲۰ ده (ابتداء خارج) راده سندن بروسه مدرسلكنى استحصال ايلش ايدى .
 (موصلاه سليمانيه) راده سى مدرسلرندن وقديمى علمادن درويش نهاد كرم معتاد بر ذات اولوب ۱۱۴۵ ده وفات ايتدى .
 پيكار باشى خاموشانده متواريدر .

(مابعدى وار)

عصمت

